

Athör cī Paulo gät kəc Epethuth

Wēt nhom

Wēt tueḡ kam kəriëec ëbën yen gët Paulo athör kënë tënë kəc Epethuth ë wēt kënë, “Kë cī Nhialic guiir, ke bī jal thöl akölden cī tak. Ee lön bī yen kāk cī cak ëbën nhial ku piny mat yiic, ku tēëu Raan cī ləc ku dəc kenhīim tueḡ.” (1:10) Kəc cī gam aya awic ke bīk deet yic, ku bīk ya pīr kēdīit cī Nhialic guiir kënë yic. Ku bī kəc aa tők ëbën kek Jethu Krītho.

Abaḡ athöör yic tueḡ, acī Paulo nyuwoth tē bī kəc keyiic mat thīn, ke lək kəc dhël cī Nhialic kacke kuany thīn. Ku ye kēdē cī ke adumuḡm päl piny thīn, ku yīk kəc lääu nhom ë Wēnde Jethu Krītho. Ku aye Wēi Nhialic nyuwoth ʔo lön bī athön Nhialic yenhom tiëḡ. Paulo ë kəc ba athöör kueen lək abaḡ ë rou yic, lön nadē ke kəc bī ya tők kek Raan cī ləc ku dəc adhil ayic ë piërden yic kedhie. Acī jam ë waal juëc tē bī kəc ë Nhialic luoi tők aa nyuwoth thīn, ke cī röt mat kek Raan cī ləc ku dəc. Akut kəc cī gam acit guḡp, ku ye Raan cī ləc ku dəc yen nhom, tēdē ke cīt luak ku ye Raan cī ləc ku dəc mëen, tēdē ke ye tik, ku ye Raan cī ləc ku dəc muonyde. Athör kënë ë jam wël thiek yiic apeī, rin raan ë gät ye agët ë guiër cī dhëḡ Nhialic rëër kek Raan cī ləc ku dəc bëëi yenhom ku yepuḡ. Ku kuat kəriëec ëbën aye tiḡ nhiër Raan cī ləc ku dəc yic, nääk, ku pël piny adumuḡm, ku dhëḡ la cök.

Käk tō thīn

Muḡth tueḡ	1:1-2
Raan cī ləc ku dəc ku luay ë Nhialic	1:3-3:21
Pir ë yam rëër ke Jethu	4:1-6:20
Muḡth ciëen.....	6:21-24

1 Ee ʔen Paulo cī Nhialic kuany ba ya atuny Jethu Krītho. Tënë kəc Nhialic rëër Epethuth, kəc cī Jethu Krītho gam piërden yic.

²Bī Nhialic Wāda kek Bānyda Jethu Krītho we gām döör ku athiëi.

Raan cī ləc ku dəc ë döc wēi bëëi

³Lecku Nhialic Wun Bānyda Jethu Krītho! Rin cī ʔok röt mat kek Jethu Krītho, acī yen ʔo yiëk döc wēi ë riel nhial. ⁴Thëer ke piny këc

1:1 Luoi 18:19-21; 19:1

cak, Nhialic aci ʔo kuēny bei buk aa miēthke, wēt cī ʔok mat kek Jethu, aci ʔo cəl aye kacke, kəc cīn gup awuōc.

⁵Rin nhiēer yen ʔo, aci Nhialic looi thēer lən bī Jethu Krītho ʔo cəl aye miēthke, ku kēnē yen ē miet puōu Nhialic yen wic. ⁶Lecku Nhialic rin kāpuōth juēc apēi cī gām ʔo ē path, rin cī yen Wēnden nhiēer juaar rienkua. ⁷Rin thon Raan cī ləc ku dəc aci ʔok jāl riel jəŋrac yic, rin cī adumuōōmkua pāl piny. Ku kēya, aye Nhialic nyuōth ʔo lən dīit dhēēŋde apēi. ⁸Dhēēŋ cī gām ʔo ke dīt apēi, rin ŋiēc ku dēt yic kāŋ. ⁹Acī Nhialic nyuōth ʔo yen kēden cī guiir bī looi, ku acuk ʔok tēnē Raan cī ləc ku dəc, cək a lən wäär cī yen ye thiaan. ¹⁰Kē cī Nhialic guiir ke bī jāl thöl akölden cī tak, ee lən bī yen kāk cī cak ēbēn nhial ku piny mat yiic, ku tēu Raan cī ləc ku dəc kenhīim tuēŋ.

¹¹Ee rienke yen aye ʔo cəl aye mīth Nhialic. Kēriēc ēbēn aaci Nhialic guiir kēya wāthēer, ku ē yen ke biōök tēcīt tē wic ye. ¹²Kēya lecku Nhialic ʔok kəc tuēŋ wäär cī la ŋōth tēnē Raan cī ləc ku dəc.

¹³Ku ēmēn aya, wek aaci yic piŋ, yiny yen wēt puōth yam ye Nhialic we luök. Ku wäär cī wek Raan cī ləc ku dəc gam, aci yen we yiěk Wēi Nhialic wäär cī thōn ka bī yiěk kacke. Wēi yen ē ye nyuōth lən ye wek kacke. ¹⁴Ku Wēi Nhialic yen ē ye nyuōth lən bī ʔok kāwäär cī Nhialic thōn ka bī yiěk ʔo ʔok. Ku aye kēnē nyooth lən cī Nhialic ʔo wēer bei riel jəŋrac yic buk aa kacke. Kēya, buk Nhialic aa leec akölaköl.

Röök ē Paulo

¹⁵Ku wēt kēnē, tēŋon piŋ ʔen gām cī wek wēt Bēny Jethu gam, ku nhiēr nhiēer wek kacke, ¹⁶yen akēc ʔen nhom kaŋ mээр ba we atak, tē röök ʔen Nhialic aya leec rienkun. ¹⁷ʔen ē rēer ʔa thiēc Nhialic Wādan la diik, ku yen Wun Jethu Krītho, bī we gām Wēike bī we cəl aŋic kāŋ, ku nyuth we Nhialic bāk ŋic apath. ¹⁸ʔen ē röök aya bāk yic ŋic. Kēya bāk ŋic lən ē yen yic lən bī wek kājuēc puōth cī tōōu tēnē we ʔok, rin cī yen we cəl. Ku abāk ŋic aya lən kājuēc puōth cī thōn bī ke gām kacke aa thiek yiic apēi. ¹⁹Ku kēya, abāk ŋic aya lən rielde adīt kāŋ ēbēn. Ku yeen alui ʔogup rin cī ʔok wētde gam. Riel lui ʔogup kēnē athōŋ ke rieldīt, ²⁰wäär jōt yen Raan cī ləc ku dəc bei raŋ yic, kam kəc cī thou ku jōt nhial, ku nyuuc kōŋ cuēc Nhialic. ²¹Raan cī ləc ku dəc amac wēi ril tō nhial ēbēn, cək alən le kek rieldīt. Rienke aa thiek yiic tēnē rin bānydit mēc. Ku aacie bāny mēc ēmēn ē rōt, aabi yiic thiek tēnē rin bāny bī mac aköldä. ²²Ku Nhialic aci kēriēc ēbēn tāau yecök, ku looi bī a yen wat akut kəc cī gam pinynhom. ²³Ku akut kəc cī gam yen ē guōp Raan cī ləc ku dəc, yen thiāŋ wēi Raan cī ləc ku dəc. Ku ē yen pīr gām kēriēc ēbēn tēriēc ēbēn.

Thon cī ya pīr

2 Thæer, Nhialic aci we tēm thou rin awuöcdit rëer wegup. ²Wäthæer wek aa we ye jᵛᵛrac, jᵛᵛ yen mac jakræc ëbën buöoth cök, jᵛᵛ yen ye kᵛc cīi Nhialic thek wëtde gam ëmën. ³Yok aa yo thöᵛ ke ke, ke yo pīr pīr rac. Ayeku looi kuat kāk wīc guäpkua ku piäthkua. Ku pīrdan rac aye Nhialic yo tēm awuöc cīmën kᵛc kᵛk ë luui käreç.

⁴Nhialic ayer puöu, ku nhiër nhiëer yen yo adit apei. ⁵Nawën cök atiëepkua thou rin adumuööm juëc rëer yogup, yok aaci Nhialic cᵛl aben pīr kek Raan cī lᵛc ku dᵛc. Ku ee dhëëᵛ Nhialic yen aci yo luök. ⁶Ku rin cī yok aa tök kek Raan cī lᵛc ku dᵛc Jethu, Nhialic aci yo jᵛt ë thou yic ku buk rëer bäänyde yic nhial kek Jethu Krītho. ⁷Ee looi Nhialic këya rin bī kᵛc aköldä piathden cīn kë thöᵛ kek tīᵛ, rin nhiëer yen yo, rin Raan cī lᵛc ku dᵛc Jethu. ⁸Rin ë piath Nhialic yen aci we kony bāk pīr rin cī wek wët Jethu gam. Ee miöc Nhialic yen acᵛl we agam Jethu. ⁹Pīr cuk yök acie rin ë luöida ë röt nadë ke yo nhiam ye. ¹⁰Ee Nhialic guöᵛ yen aci ye looi këya. Ku rin ye yok tök kek Raan cī lᵛc ku dᵛc Jethu, aci yo cak buk këpath aa looi, ku ë yen kë cī guiir buk aa looi.

Yok aa tök kek Raan cī lᵛc ku dᵛc

¹¹Këya, wek aa we cie kᵛc Itharel. Ku këya, wek aa we ye kᵛc Itharel cᵛl wäthæer kᵛc këc ᵛoot. Ku kᵛc Itharel aake ye röt cᵛl aaye kᵛc cī ᵛoot. Ku ᵛuötᵛden ye ke ᵛoot, ee yekë ye looi kegup ë path. ¹²Ku wäär wek aa we cie kᵛc Raan cī lᵛc ku dᵛc. Wek aa we ye thäi, wek aa we cie kᵛc Itharel, kᵛc cī Nhialic lᵛc. Wek aa we liu löᵛ döör Nhialic yic, löᵛ kᵛc ke tit bën Jethu Bänyda. Wek aa we rëer we kuc Nhialic. ¹³Ëmën, rin cī wek aa tök kek Jethu Krītho, wek wäär cök mec wek aaci bëëi tēthiök rin thon Raan cī lᵛc ku dᵛc.

¹⁴Rin Raan cī lᵛc ku dᵛc aci döör looi kam kᵛc Itharel ku kᵛc cie kᵛc Itharel rin cī yok aa kac tök. Riemde aci këwäär ke tek yiic, ku cᵛl ke aaye kᵛc man röt nyaai. ¹⁵Acī löᵛ kᵛc Itharel teem köu ë thuᵛnde, rin bī yen kᵛc Itharel ku kᵛc cie kᵛc Itharel cᵛl aaye kac tök rin cī kek röt mat kek ye, ku këlä, aci döör bëëi. ¹⁶Ku thon cī Raan cī lᵛc ku dᵛc thou tim cī riīu köu, acä kuæth rëer kamkun nyaai. Ku thuᵛnde aci yen ke cᵛl aaye kᵛc Nhialic kedhie. ¹⁷Këya, Raan cī lᵛc ku dᵛc aci bën ku lëk kᵛc Wët Puoth Yam ë döör bëëi tënë kᵛc ëbën, wek kᵛc cie kᵛc Itharel wäär mec ke Nhialic ku kᵛc Itharel wäär thiök ke ye. ¹⁸Ku ë rin Raan cī lᵛc ku dᵛc yen ë yo ëbën, kᵛc Itharel ku kᵛc cie kᵛc Itharel cᵛl aala tē rëer Nhialic thīn ë Wëi Nhialic tööᵛ.

¹⁹Këya, wek kɔc cie kɔc Itharel, wek aaciï ben aa læi emën, wek aa tɔk kek kɔc ci Nhialic lɔc. Wek aa many tɔŋ ë Nhialic. ²⁰Ku week aya, wek aaciï yon ci atuuc ku kɔc kɔk Nhialic tiŋ jɔk cɔk, ku Jethu Kritho yen ë mën. ²¹Raan ci lɔc ku dɔc yen ë kɛ ci buth cɔl akääc ke ye tɔk ku bi ya yon Bëny. ²²Ku rin ye wek tɔk kek ye, week aya wek kɔc kɔk, wek aaciï kɛ buth bi Nhialic a rëer thin ë Wëike.

Luoi Paulo rin kɔc cie kɔc Itharel

3 Rin ci Nhialic ye looi bi kɔc Itharel ku kɔc cie kɔc Itharel mat bik aa tɔk, rin dhëŋde tënë kɔc cie kɔc Itharel ke yen Paulo, raan ci mac rin wët Jethu Kritho ë rienkun, yen ë rɔök tënë Nhialic.

²Acäk piŋ lon ci Nhialic ya lɔc ë dhëŋde ba luoi kënë looi. ³Nhialic acä nyuõth këden ci guir, cïn raan ŋic ye theer, athør wäär ca gõt ke ciek. ⁴Ku na kuenkë kɔk ca gõt, ke wek aabi kɔk ŋic ke rin Raan ci lɔc ku dɔc deet yiic. ⁵Kɔk cïn raan ŋic ke theer, cimën ci Wëi Nhialic ye nyuõth atuuc ku kɔc kɔk Nhialic tiŋ emën.

⁶Këya, kɛ ci moony akïn, rin wët puõth yam, kɔc cie kɔc Itharel aabi dɔc Nhialic yök kek kɔc Itharel ci gam. Keek aabi ya kac tɔk ku rɔmkë kɛ ci Nhialic thön kɔc Itharel rin Raan ci lɔc ku dɔc.

⁷Kënë, yen ë Wët Puõth Yam ya lëk kɔc. Nhialic acä gäm luoi ye yen Wët Puõth Yam luæl riel ë dhëŋde. ⁸Yen atɔ ciën kɔc ë Nhialic cök ëbën, ku Nhialic aŋot cä yiëk ë luoi kënë, ba kɔc cie kɔc Itharel lëk kɔpuõth juëc cïn thook akeu ye Raan ci lɔc ku dɔc gam. Kɔpuõthkã aa dit tënë kɔk ye deet yiic. ⁹Acä yiëk luoi ba tët kɔc ëbën tɛ bi yen këden ci guir ciï ŋic, thääp thin. Ku Nhialic yen cak keriëec ëbën, ëci kënë moony tënë kɔc theer wäär.

¹⁰Acï looi kälä emën dhël akut kɔc ci gam nyuõth atuuc nhial, kek banyken la riel nhial, bik ŋiëc kãŋde ci nyuõth rin kɛ ci looi tënë ke ŋic. ¹¹Acï Nhialic tak ku looi këya theer këc yen piny ku nhial cak. Ku ë looi ë rin Jethu Kritho Bãnyda. ¹²Rin ci yok ye gam ku yok aa tɔk ke ye, aabi yok la tënë Nhialic yo ciï riöc. ¹³Këya, wek aa lëk bák puõth ciï bath cɔk amën guum yen ë rienkun, guõmdië yen abi ya riöldun.

Nhiër Raan ci lɔc ku dɔc

¹⁴Rin ë wët kënë, yen ë ŋanhiol guõt piny Nhialic Wäda nhom ku rɔök ë rienkun. ¹⁵Kɔcken tɔ nhial ku kɔc tɔ piiny aa mac thok rin yen ë Wäda yodhie. ¹⁶Yen ala riel ku dɔc juëc ye gäm kacke. Këya, aya thiëec bi we yiëk riel ë Wëike bák puõth ciï kɔc. ¹⁷Ku yen ë rɔök bi Raan ci lɔc ku dɔc rëer wepuõth athëer rin ci wek ye gam. Yen ë rɔök aya bi tɛ nhiër wek

Nhialic thīn, ku tē nhieer wek rōt thīn ē kamkun we cōl aril. Na luōikē kēlā ke wek aa cīt tim cī meike yet piny, ku yōn buth cī ηiec jōok cōk. ¹⁸Ku dhēl kēnē, week ku kōc ē Nhialic abāk jāl ηic yen tē nhieer Raan cī lōc ku dōc we thīn. Anhiar yo apei nhier cīn thok akeu. ¹⁹Na cōk ciēn raan ηic ye ayic yen tē nhieer Raan cī lōc ku dōc yo thīn, yen ē Nhialic thiēec bāk ηic. Ku bī tē ye wek luui thīn ciēt tē ye Nhialic luui thīn.

²⁰Nhialic ala riel yen kāη looi wār kāk yeku ke thiēec ku kāk yeku ke tak, ku aaye ke looi rielden lui yopuōth. ²¹Lecku Nhialic rin kāpuōth cī looi rin akut kōc cī gam ku rin Jethu Krītho. Lecku akōlriēec ēbēn! Yenakan.

Mēn yic kōc cī gam tēnē guōp Jethu

4 Rin kē wic Nhialic bī looi, yen raan cī mac rin looi yen wēt Bēny, wek alāη bāk ηiec luui dhēl path, dhēl yen cī Nhialic we cōl. ²Yakē kāk yakē ke looi ēbēn looi dhēl athēēk ku lier ē puōu, ku yakē kōc ηiec ciēēη. Nhiarkē rōt ku yakē kārec pāl piny ē kamkun. ³Wēi Nhialic aci we mat yiic, themkē bāk la dōōr ē kamkun bāk aa kac tōk. ⁴Yook ēbēn, yok aa thōη kek kāk tō guōp tōk yic, ku yok aa la Wēi Nhialic thōη ciēη ke yo. Yok aa ηōth dōc cī Nhialic thōn ke bī gām kacke, rin Nhialic aci yo cōl ēbēn buk aa kacke. ⁵Yok aa la Bāny tōk ku gam tōk, ku yok aaci lōk ē wēi tōk yōk ēbēn. ⁶Yook ēbēn yok aa Nhialic tōōη door, ku yen ē Wāda yodhie. Yen amec yo ku ē luui yopuōth ēbēn, ku aciēη kek yo ēbēn.

⁷Raan cī lōc ku dōc aci raan ēbēn ē kamkua yiēk rielden bī yen aluui. ηiek aci yiēk rielde cīt tē cī Raan cī lōc ku dōc ke tek thīn. ⁸Acī gōt athōr theer wēl Nhialic yic ēlā,

“Acī la nhial, ku looi jakrec bīk yeen buōth cōk,
cīmēn raan cī dōm ē tōη yic,
ku tek kāpath tēnē kuat raan ēbēn.”

⁹Tē lueel ye ēlā, “Acī la nhial.” Wētde yic yeηō? Wētde yic aye lueel lōn cī Raan cī lōc ku dōc kaη bēn pinyhom ē tēn. ¹⁰Raan cī bēn pinyhom ē tēn yen ee raan tōōη cī ben dhuk nhial, pan Nhialic, ku bī rēer kek kēriēec ēbēn pinyhom. ¹¹Ee yen Raan cī lōc ku dōc yen ē gem miōc tēnē kōc. Acī kōc kōk looi bīk aa tuōōcke, ku kōc kōk aaci looi bīk aa kōc kāk Nhialic tiη, ku ye kōc kōk wēl ē Nhialic lēk kōc, ku ye kōc kōk abiōk kōc cī gam ku piōōckē ke. ¹²Acī kēnē looi rin bī kōckā, kōc ē Nhialic, guiir bīk luui tēnē ye ku bīk aakuut kōc cī gam, yen guōp Raan cī lōc ku dōc la tueη ke ril. ¹³Ku kēlā, yok aabi mat yiic buk aa tōk ē gam bī yok Nhialic ku Wēnde ηic. Ku jōlku aa kōc cī gam cī nhīim bak, ku

ɣok aabi jäl la cök cümën Raan ci lɔc ku dɔc. ¹⁴Ku ɣok aacie kɔc bi ben ciët mïth. Ku ɣok aacii kɔc kāk lueth piöc bi ben duöŋ buk luethken gam, ɣok aacii bi ya wel nhïim cümën riäi, wël lueth ë path. ¹⁵Yok aa dhil yic aa lueel ke ɣo la nhiër. Ku kälä ɣok aabi la tueŋ ke ɣo cit Raan ci lɔc ku dɔc yen wat akut kɔc ci gam nhom. ¹⁶Raan ci lɔc ku dɔc, ee kacke mat yiic cümën ye rël yom thook guöp ë raan nuët yic bi ya tök. Na loi guöp abak luide cit tē dhil yen luui thïn, ke guöp ëbën ala tueŋ ke cil ke ril. Yen ë tēn akut kɔc ci gam. Na nhïar kɔc akut röt ku loikë luiden, ka akut ala tueŋ apath ë riel Raan ci lɔc ku dɔc.

Yok aa dhil piërda waar yic

¹⁷Rin ë wët kënë, alëk we rin Bëny duökkë ben aa luui cümën kɔc kuc Nhialic. Kāk yekë ke looi aacie kāk ke kony. ¹⁸Aacie yic ye deet. Acin pïr yam ye Nhialic gäm kɔc, rin keek aa ril nhïim, ku këya aa kuc dhël ë Nhialic. ¹⁹Aacie gup ë yär tē cök kek käreç looi, rin aa kepuöth yiëk kāk wïc guäpken. Kāk yekë ke looi ëbën aa kāk ë bal ku aacie köc luoi ë kākka yiic.

²⁰Yen ë tē wiëc bi wek cii la thïn, rin acie yen tēwäär ci we piöc thïn rin Raan ci lɔc ku dɔc. ²¹Ee yic, wek aaci wëtde piŋ, ku wek aa we ci piöc rienke, tē cit tēn yiny rëër kek Jethu. ²²Wek aaci piöc bak tēdun ye wek luui thïn theer puöl. Käkku ke yakë ke looi aake ci we muör ku rëckë we. ²³Ëmën, calkë röt aa wëer Nhialic puöth ku bāk ya tak tēŋ ë yam. ²⁴Nhialic aci we gäm ciëŋ ë yam cit këde. Këya, yakë ciëŋ ë ciëŋ kënë. Ciëŋ kënë ala cök cit tē ye yic rin Nhialic piöc thïn.

²⁵Këya, duökkë lueth ben aa lueel. Ŋek adhil yic alëk mäthden ci gam, rin ɣok aa cit kāk cii thöŋ rëër ë guäp tök yic. ²⁶Na cök alon ci yin puöu riääk, ke yi duk adumuööm loi. Duk rëër kek riääk ë puöu abä aköl lööny piny. ²⁷Rin bi jöŋrac yi cii thel adumuööm yic. ²⁸Na le raan ye cuär theer kamkun ka cii ben cuëer, adhil luui ë köŋde bi rot muk ku kony kɔc ŋöŋ aya. ²⁹Pälkë kuöc jam. Yakë ke lueel wël kɔc cöl aril puöth gamden yic. Yakë ke lueel wël nhïar ke bi ke piŋ, rin bi yin kɔc la kë lëk ke, kony. ³⁰Muk yinhom bi ciën kë lueel bi Wëi Nhialic cöl arem puöu, Wëi ci Nhialic gäm yi. Nhialic aci gäm Wëi ye nyooth lon ë yin këde, ku Wëi Nhialic abi rëër kek yi yet aköl luŋdit bi Nhialic yi kony tēnë jöŋrac. ³¹Duökkë kɔc kök ye maan ku duökkë puöth ye riääk. Duökkë ye göth ku läatkë kɔc, tēdë ke we loi kāk cii path. ³²Rëërkë apath ë kamkun. Ku yakë käreç päl piny tēnë kɔc kök cümën ye Nhialic ke päl piny tēnë we rin Raan ci lɔc ku dɔc.

Pir rëer ruel yic

5 Këya, wek aa dhil luui cïmën Nhialic rin ye wek mïthken nhiëer apëi. ²Nhiarkë kóc kök cïmën nhiëer Raan cï lóc ku dóc yo. Cïmën cï Jethu ye nyuöth lön nhiëer yen yo, rin cï yen thou bï yo luök. Kë cï looi, acï Nhialic cöl amit puöu rin cï yen rot juër Nhialic. ³Wët ye wek kóc ë Nhialic acïi path bï wïc wïc ë diäär, ku käk kóc cöl ayär gup, ayï kook aa piëŋ wegup.

⁴Jam la biith ku buro rac aacïi path. Anjuëen bäk Nhialic aleec rin käk ye ke looi tënë we.

⁵Dhielkë ñic lön acin raan wïc ë diäär ayï raan ë luui käk kóc cöl ayär gup, ku raan dët kok lëu ye bï la bääny Raan cï lóc ku dóc kek Nhialic ë yic, ku yök käpuöth cï Nhialic thön kóc. Raan kok acit raan ë jak cï kiëët door. ⁶Duökkë röt cöl ameth ë nyin wël cïi path ye kóc kök lueel. Nhialic abï kóc cïi wëtde ye piŋ, kóc luui ë käreckä tëm awuöc. ⁷Këya duk ye mat kek kóc luui ë käreckä.

⁸Rin wek aa we rëer ë muöth yic. Ku ëmën wek aacï röt mat kek Bëny, wek aacï la ë ruel yic. Këya, yekë luui cïmën kóc tō ë ruel yic. ⁹Yen aluel kënë rin kóc tō ruel yic, kóc ñic Nhialic, aaye ruel cöl alir puöth ku loikë kën ë yic. ¹⁰Themkë bäk käk Bëny cöl amit puöu ñic ku luöikë ke. ¹¹Duökkë ye luui käk ye kóc tō muöth yic looi, kóc kuc Nhialic. Nyuöthkë ke lön kakkä aacïi path. ¹²Käk ye ke looi ke cie tiŋ, aa rëc apëi ka ye jamden kóc rac gup ¹³Të bïi käj tëyer, ke kóc aa tiŋ tē rëc kakkä thïn, ¹⁴rin ë ruel yen ë këriëc ëbën cöl atïŋ. Yen acï ye lueel ëlä, “Pääckë nin yic, jatkë röt rëŋ yiic ku Raan cï lóc ku dóc abï ruel wegup.”

¹⁵Tiëŋkë piërdun apath. Duökkë pir ë pir kóc kuc Nhialic, calkë röt aaye kóc ñic käj. ¹⁶Kuat tē bï yin ye yök ba këpath looi thïn, ke loi, rin kóc aa loi käk cïi path ëmën. ¹⁷Duökkë lui ë luöi kóc cinkë ñickë, ñieckë kë wïc Bëny ku yen luöikë. ¹⁸Duökkë ye dek ë möu, möu ë kóc rac. Calkë Wëi Nhialic piërdun yic akölaköl. ¹⁹Ketkë waak ë Nhialic cï göt athör waak yic ë kamkun. Ketkë wak wëi bäk Bëny leec ë piäthkun ëbën. ²⁰Yeku Nhialic Wäda leec akölaköl rin Bänyda Jethu Kritho, kuat käjuëc yeku ke looi yiic.

²¹Yakë röt theek ë kamkun rin riöc wek Raan cï lóc ku dóc.

Diäär ku Röör

²²Wek diäär, thekkë röörkun cit tē ye wek Bëny theek thïn. ²³Rin moc yen ë tik wat nhom, cïmën ye Raan cï lóc ku dóc akut kóc cï gam wat nhom. Raan cï lóc ku dóc yen aluäj akut kóc cï gam, yen guäpde aya.

²⁴Këya, diäär aa dhil röörken theek cimen ye akut koc ci gam Raan ci loc ku doc theek.

²⁵Wek röör wek aa dhil diäärkun nhiaar cimen nhieer Raan ci loc ku doc akut koc ci gam arëk abi thou rienke. ²⁶Acì thou rin akut koc ci gam bi rëer ke dhëej Nhialic. Ku loc kegup piu ë Nhialic piu ë lök wëi ku wëtde. ²⁷Acì kënë looi rin bi yen kacke koc ci gam, wuöony gup wei karec ku bi ke yelööm. Ku akëc wic bik gup la adumuööm. ²⁸Cit ë kënë aya, röör aa dhil diäärken nhiaar cimen nhieer kek röt. Na nhiaar moc tiejde, ka thöj kek lon nhieer yen rot. ²⁹Acin raan man guäpde, raan ë mith ku tiit guäpde, cimen ye Raan ci loc ku doc akut koc ci gam tiit, ³⁰rin yok akut koc ci gam, yok aa guäpde. ³¹Cimen ci ye göt athör theer wël Nhialic yic ëlä, “Moc abi wun ku man nyääj piny ku met rot kek tiejde, ku keek karou aabi ya tök.” ³²Wëlkä aa la yiic yinydit apej, ku aa jam të ye Raan ci loc ku doc tök thin kek akut koc ci gam. ³³Ku wëlkä aa jam rienkun aya, moc adhil tiejde nhiaar cimen nhieer yen rot, ku tik aya adhil muönyde theek.

Mith ku koc ke dhieth ke

6 Wek mith, wek aadhil koc ke dhieth we theek, rin yen ë këpath lëu bi raan looi rin Bëny. ²“Thek wuur ku moor,” Kënë yen ë löj tuej ci bën kek athön, ³athön akìn, “Na loi kënë, ke yin abi kajuëc path ya yok, ku thiei yi ba nin juëc nök pinyhom.” ⁴Koc ke dhieth duökkë miëthkun ye luöi käk bi ke rac puöth. Muökkë ke ku piöckë ke dhël ci Bëny gam.

Aloony ku Bäny

⁵Aloony, thekkë bänykun muk we pinyhom ë tën, riääckë ë ke ku thekkë ke piändun ëbën ciët we luui Raan ci loc ku doc. ⁶Yakë luui ë puön yer të cök kek ciï daai we. Loi luöidu puöu ëbën cit të wic Nhialic ye thin, rin yin alony Raan ci loc ku doc. ⁷Na cök alon ye yin alony, lui puön yer bi ciët Nhialic yen luöi. ⁸Ŋic yinhom lon bi Nhialic raan ëbën yiëk këde, alony ku raan cie alony, rin käpuöth ye looi pinyhom. ⁹Wek koc mac aloony, wek aadhil luui ë dhël tööj yic, ku duökkë ke ye riääc ë nääk, muökkë wenhïim lon week ëbën, aloony ku week, bënydun ë tök nhial, raan bi luk looi kamkun ëbën ke cin raan ŋuëën.

Töj tënë Jöjrac

¹⁰Wët jäl lëk we ciëen akìn, lömkë riel tënë Bëny bäk riel ë ye, rin rielde adit apej. ¹¹Lömkë käk ci Nhialic gam we bi wek röt kony, bäk

5:25 Kol 3:19; 1Pit 3:7 5:31 Cäk 2:24 6:1 Kol 3:20 6:2-3 B.bei 20:12; L.rou 5:16 6:4 Kol 3:21
6:5-8 Kol 3:22-25 6:9 L.rou 10:17; Kol 3:25; 4:1

kājuëc ye jəŋrac we ruëeny göök.

¹²Rin yok aaciï thär kek kəc cīt yo, yok aa thär kek jakrec rëër ë muöth yic kek bānyken, ku riel ë jəŋrac tō nhial. ¹³Këya, rin ë wët kënë lōmkë kāk cī Nhialic gām we bī wek təŋ thōr. Na aköl le jəŋrac bën, ke we tit röt ye akölrüëc ëbën. Ku na cāk təŋ jəŋrac göök kəriëëc ëbën yic, ke wek aabi dōŋ we ril. ¹⁴Lōmkë yic bī wek röt guir ë təŋ. Ku luōikë kë la cök ke cīt alanh dhie ye raan yeyic duut tē le ye təŋ. ¹⁵Rëërkë ke we ye kəc lək Wët Puöth Yam ë döör bëëi tënë kəc. Ku yen abi ciët lən cieŋ wek war ril apeï wecök. ¹⁶Dët akīn, gamkë Jethu Krītho. Gamdun abi ciët kön ye wek wieth dëp ye jəŋrac we moc jöc yiic. ¹⁷Ŋiëckë alanden lən cī Nhialic we luök, acit lən dhie cieŋ raan akuäma yenhom təŋ yic, bī cīï yup nhom. Lōmkë wët ë Nhialic ë bën tënë Wëi ke cīt təŋ ye muk.

¹⁸Yakë lac rōök cīt tē ye Wëi Nhialic we cök puöth thīn. Ku thiëckë Nhialic bī we kony kəriëëc ëbën yiic. Yakë wepuöth cök tē rōök wek ku duökkë thōr. Yakë rōök akölaköl rin kəc ë Nhialic.

¹⁹Röökë ë rienkië, ku lən bī Nhialic ya gām wël la cök ba lueel tē le yən wët ë Nhialic lək kəc ke ya cīï riöc. ²⁰Jethu Krītho acä löc ba ya atuönyde ba kəc lək Wët Puöth ë Yam, ku ë yen wët cī ya mac. Këya, röökë ku thiëckë Nhialic bā gām riel ba wëtde lək kəc ke cīt yiny dhiel looi ke cīn riöc.

Muöth ciëen

²¹Tikuth, wämääthdan cī gam nhiarku, ku yeen alui apath rin Bëny, abi we lək wël ë yam rienkië ku bāk kë luöci ŋic. ²²Yen atuöc we ku bī we la lək kë loi rot tënë yo, ku deet wepuöth aya.

²³Bī Nhialic Wäda ku Bānyda Jethu Krītho we yiëk döör, wek kəc cī gam. Ku bīk we cöl anhiar röt ë kamkun ku muökkë gamdun. ²⁴Bī Nhialic dhëëŋde nyuöth kəc nhar Bānyda Jethu Krītho kek nhiërden cīn thok akeu.



Lōmkë kāk cī Nhialic gām we bī wek röt kony (6:10-13)